


Bibël për fëmijët paraqet

Dyzet Vjet



Shkruar nga: Edward Hughes
Ilustruar nga: Janie Forest; Alastair Paterson
Adaptuar nga: Lyn Doerksen
Përkthyer nga: Arianit Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2021 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1



Kur Perëndia shpengoi Izraelitët jashtë nga Egjipti, Moisiu e drejtoi popullin në adhurim. Ai këndoi një këngë lavdërimi. "Unë do ti këndoj Perëndisë, sepse ai ka triumfuar me lavdi". Moisiu këndoi për të gjitha gjërat e mëdha që Perëndia kishte bërë për Izraelin.

HALELUJA!
LAVDI PERËNDISË!

2




Pas tre ditësh në shkretëtinë njerëzit e etur gjetën një oaz me ujë. Por ata nuk e pinin dot ujin e hidhur. Në vend që të luteshin, njerëzit u ankuan. Perëndia është shumë i mirë. Ai e bëri ujin të mirë, për tu pirë.

3




Dukej sikur njerëzit ankoheshin për gjithçka. "Ne kishim ushqim në Egjipt. Në shkretëtinë ne do të vdesim nga uria", bërtitën ata. Atë mbrëmje, Perëndia dërgoi disa zogj të quajtur shkurta. Njerëzit i zinin ato me lehtësi.

4



Mëngjesin tjetër, Perëndia dërgoi mana. Ishte një lloj buke, që kishte shijen si vaferat me mjaltë.

5



Ata duhej ti besonin Perëndisë, çdo ditë për ushqimin e tyre të asaj dite. Por disa njerëz, mblodhën më shumë se ç'duhej dhe ajo u prish gjatë natës.

6



Dhe nuk donte mend, që mana e djeshme ishte plot me krimba - përveçse gjatë ditës së shtunë. Atë ditë njerëzit pushonin, dhe hanin manën e ditës së djeshme.

7




Perëndia u kujdes për Izrealitët në shkretëtinë. Ai u dha atyre ushqim dhe ujë -dhe i mbrojti ata nga armiqtë.

8

Kur Amalekitët sulmuan, Izraeli fitonte betejën për sa kohë Moisiu e mbante lart shkopin e Perëndisë.




9



Perëndia u tha Izraelitëve, "Nëse ju i bindeni zërit Tim, ju do të jeni njerëzit e Mi të veçantë." "Gjithçka që thotë Perëndia, ne do ta bëjmë", i thanë njerëzit Moisiut. Ata erdhën në këmbët e malit Sinai, ndërsa Moisiu shkoi të takojë Perëndinë.

10

Moisiu ishte me Perëndinë në mal për dyzet ditë. Perëndia shkroi Dhjetë Urdhërimet në dy rrasa prej guri. Ai i tregoi Moisiut mënyrën se si Ai donte që njerëzit e Tij të jetonin.



11

1. Ti nuk do të kesh perëndi të tjerë përpara Meje.

3. Mos e përdor, emrin e Zotit, Perëndisë tënd më kot.

2. Nuk do të bësh dhe as do të biesh përmbys përpara imazheve.

4. Kujtoje ditën e shtunë, dhe mbaje atë të shenjtë.

5. Ndero babanë dhe nënën tënde.

12

6. Ti nuk do të vrasësh.

9. Nuk do të gënjesh.

7. Nuk do të kryesh tradhëti bashkshortore.

10. Nuk do të lakmosh.


8. Nuk do të vjedhësh.

13



Ndërsa Moisiu ishte me Perëndinë në malin Sinai, Izraelitët bënë diçka të tmerrshme. Ata urdhëruan Aronin të bëjë një viç të artë - dhe ata adhuruan viçin në vend të Perëndisë. Perëndia u zemërua shumë. Po kështu edhe Moisiu.

14



Kur Moisiu pa viçin dhe njerëzit që kërcenin, ai i përplasi përtokë dhe i bëri copash të dy rrasat e gurit. Moisiu me zemërim e shkatërroi idhullin e artë. Ai vrau njerëzit e ligj që e kishin adhuruar.

15

Perëndia zëvendësoi dy rrasat e gurit. Ai i tha Moisiut të ndërtonte një Tabernakull - një tendë të madhe me gardh rreth e qark - ku Perëndia të banonte në mes të njerëzve të Tij. Ata duhej ta adhuronin Perëndinë atje. Kollona e resë dhe e zjarrit, tregonte praninë e Perëndisë në mes të tyre.



16

Ndërsa ata iu afruan Kananit, Moisiu dërgoi dymbëdhjetë spiunë për të parë vendin që Perëndia u kishte premtuar njerëzve të Tij.




17

Spiunët ishin të gjithë të një mendjeje, se vendi ishte shumë i bukur! Por vetëm dy prej tyre, Jozueu dhe Kalebi, besuan se ata mund ta pushtonin vendin me ndihmën e Perëndisë.



18


Dhjetë spiunët e tjerë ishin të frikësuar nga qytet e mëdha dhe gjigandët në vend. "Ne nuk mund ta marrim atë vend", u qaravitën ata.



19

Ata, harruan gjërat e mëdha që Perëndia kishte bërë, për ti çliruar ata nga Egjipti.

Populli, ndoqi këta spiunët që nuk besonin. Ata filluan të qajnë, dhe u përgatitën të kthehen mbrapsht në Egjipt. Ata madje u përpoqën të vrasin edhe Moisiun!



20

Perëndia shpëtoi jetën e Moisiut. Pastaj Ai u tha njerëzve, "Për dyzet vjet ju do të endeni në shkretëtirë. Vetëm Kalebi, Jozueu dhe bijtë tuaj do të jetojnë për të hyrë në vendin që ju e përçmuat".



21

Dyzet Vjet


Një tregim nga Fjala e Perëndisë, Bibla

e marrë nga

Eksodi 15 deri tek Numrat 14

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

22



12

60

23

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëj atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

24